



Održana vanredna sjednica Upravnog odbora Udruženja poslodavaca FBiH



Potreban 51 milion KM za očuvanje postojećih radnih mjesta u BiH



Javna rasprava o Nacrtu zakona o privrednim društvima



Privrednici iz FBiH se uključuju u sanacije štete od poplava i klizišta

Zaključci sa vanredne sjednice Upravnog odbora Udruženja poslodavaca FBiH

Udruženje poslodavaca FBiH, na vanrednoj sjednici održanoj 21.05.2014. godine, razmatrajući novonastalu situaciju vezanu za katastrofalne posljedice poplava na prostoru Federacije BiH i Bosne i Hercegovine donijelo je slijedeće;

ZAKLJUČKE

Udruženje poslodavaca odaje priznanje svim građanima Bosne i Hercegovine te poslodavcima na brznoj reakciji, izraženoj solidarnosti i nesebičnom angažmanu na pružanju pomoći ugroženom stanovništvu. Katastrofa je ujedinila sve građane i privredne subjekte neovisno od vjere ili nacionalnosti odnosno teritorije gdje žive ili posluju.

Udruženje poslodavaca poziva sve svoje članice, privredne subjekte i pojedince da se, u okviru svojih mogućnosti, uključe u akciju doniranja novčanih sredstava, opreme, hrane, građevinskog materijala i svega onog što može pomoći u saniranju šteta i olakšanju životnih uslova stradalim u poplavama.

Direktor Udruženja je ukratko prezentirao izvještaj sa tematske sjednice Vlade Federacije BiH, na kojoj su prisustvovali predstavnici Udruženja poslodavaca FBiH. Na navedenoj sjednici od Vlade je zatraženo da se izjasne po

svakoj tački Prijedloga mjera za izlazak iz ekonomske i društvene krize. Pandurević je naglasio da je Vlada FBiH ozbiljno uzela u razmatranje Prijedlog navedenih mjera ali da ministarstva nisu.

Imajući u vidu da je veliki broj privrednih subjekata pretrpio ogromnu materijalnu štetu i koji će se, zbog nemogućnosti pokretanja procesa rada i proizvodnje, svakodnevno povećavati, pozivamo Vladu FBiH da, iz sredstava IPA fondova Evropske unije, Svjetske banke i međunarodne zajednice, zatraži pomoć te dobivena novčana sredstva usmjeri za sanaciju šteta i pokretanje poslovnih aktivnosti privrednih subjekata kojima će se obezbjediti zadržavanje radnih mjesta.

U tom cilju UPFBiH traži da se, radi na prevazilaženju definiranih prepreka za korištenju EU fondova, naročito fondova za vanredne situacije, hitno otklone nedostaci i stvori prostor za korištenje fondova posebno namjenjenih za razvoj poljoprivrede u BiH.

UP FBiH traži od Vlade Federacije BiH da, u saradnji sa Agencijom za bankarstvo, komercijalnim bankama, svim privrednim subjektima i građanima koji su pretrpjeli štetu, obezbjedi:



Vanredna sjednica U.O. UP FBiH



Vanredna sjednica održana je prostorijama kompanije Centrotrans-eurolines d.d. Sarajevo

- moratorij u trajanju od, minimalno, 12 mjeseci na povrat kredita korišten za izgradnju objekata, nabavku opreme za pokretanje proizvodnje i kupovinu repromaterijala svim privrednim subjektima koji su pretrpjeli štete u poplavama ili klizištima.
- moratorij za plaćanje kamata, odnosno otpis kamata, na sva kredite odobrene od strane banaka i mikrokreditnih organizacija u vrijeme nemogućnosti povrata kredita od strane oštećenih privrednih subjekata
- moratorij za plaćanje doprinosa za PIO/MIO i zdravstveno osiguranje za privredne subjekte koji su pretrpjeli više od 60% štetu a sve do momenta mogućnosti plaćanja doprinosa.
- putem Razvojne banke obezbjedi dovoljan iznos sredstava za kreditiranje aktivnosti na otklanjanju nastalih šteta, sa kamatom manjom od 3% i odgovarajućim grace periodom, sve u cilju održavanja broja zaposlenih.
- za sva vozila koja su angažirana na prijevozu humanitarne pomoći ili osoba koja učestvuju na sanaciji posljedica poplava ukinuti plaćanje putarina na trasi autoputa.

UPFBiH traži od Vlade FBiH da hitno obezbijedi zakonodavno pravni okvir za Agenciju za bankarstvo kako bi se mjere iz tačke 4. mogle uspješno realizovati.

U cilju obezbjeđenje uslova za život nastradalih porodica, UP FBiH traži da se, izgrađeni a ne prodati stanovi na području Federacije BiH, pod povoljni uvjetima ustupe i stavi na raspolaganje institucijama i građanima koji su pretrpjeli štetu i ostali bez svojih domova.



Članovi XX proširene sjednice Upravnog odbora UP FBiH

UP FBiH traži od Vlade FBiH da prilikom odmah i bez odlaganja isplati poticaje poljoprivrednicima za prethodne godine. Ovim činom omogućit će se poljoprivrednicima da dođu do svog novca kojim mogu djelimično sanirati nastalu štetu.

Od Vijeća ministara BiH traži se da donese izvanrednu odluku kojom će se

- za usluge i robe kao i repromaterijal odnosno gorivo i sl. koje su namijenjene u svrhu pomoći građanima, poslovnim subjektima na područjima pogođenim poplavama ukinuti plaćanje PDV.
- privrednim subjektima koji su pretrpjeli štetu, za dospjele obaveze PDV, omogućiti odgođeno plaćanje PDV-a u vremenu saniranja šteta i nemogućnosti plaćanja istog.

9. Pozivamo MMF da bez odlaganja uplati dospjelu tranšu po SB aranžmanu. Uplatom sredstava pomoć će stanovništvu i institucijama BiH da lakše saniraju posljedice poplava ali i da omogući povrat, do sada uplaćenih tranši kredita.

10. Predlažemo održavanje donatorske konferencije za pomoć u otklanjanju posljedica prirodne katastrofe u BiH.

Putem Asocijacije poslodavaca BiH zatražiti pomoć od Business Europe, Svjetske organizacije rada i sličnih asocijacija da pomognu stanovništvu i privredne subjekte u saniranju šteta.

Ovom prilikom Udruženje poslodavaca izražava svoje razočarenje ponašanjem predstavnika pojedinih političkih partija, izvršne i zakonodavne vlasti i članova Predsjedništva BiH koji su, umjesto da prate postupke svih naroda, sportista, umjetnika i poslodavca, ostali razjedinjeni i u katastrofi građane BiH. Nisu se uspjeli usaglasiti i reći da je smrt i gubitak ljudskog života tragedija i žalost za sve građane BiH već su odredili da samostalno sa „svoj“ entitet i „svoj“ narod proglase „dan žalosti“. Neozbiljno, neodgovorno i neprihvatljivo za građane i poslodavce ove države.



Predstavnici elektronskih i printanih medija

Potreban 51 milion KM za očuvanje postojećih radnih mjesta u BiH



Press konferencija sa potpisivanja Memoranduma

Memorandum o zajedničkom djelovanju na saniranju i ublažavanju šteta i očuvanju radnih mjesta potpisan je početkom juna mjeseca u Sarajevu između Federalnog zavoda za zapošljavanje, Udruženja poslodavaca u Federaciji BiH, Privredne komore Federacije BiH i Saveza samostalnih sindikata BiH.

Potpisnici Memoranduma Kenan Rešo, direktor Federalnog zavoda za zapošljavanje, Mladen Pandurević direktor Udruženja poslodavaca BiH, Avdo Rapa predsjednik Privredne komore FBiH i Ismet Bajramović predsjednik Saveza samostalnih sindikata BiH obavezali su se da naprave okvir međusobne saradnje i zajednički rade na realizaciji postavljenog cilja, a to je očuvanje radnih mjesta u poslovnim subjektima na područjima ugroženim poplavama.

"Pretpostavka je da bi od 10 do 15 hiljada ljudi u realnom sektoru moglo trajno ostati bez posla kao posljedica elementarne nepogode u BiH, a isto toliko ljudi i u poljoprivredi. Međutim, procjene su da će se takvo stanje iz dana u dan popravljati i da će se sigurno jedan dio ljudi relativno brzo moći vratiti na svoja radna mjesta", rekao je na današnjoj pres-konferenciji Mladen Pandurević, direktor Udruženja poslodavaca BiH.

Kako bi ugroženo stanovništvo moglo preživjeti do naredne sjetve, Avdo Rapa, predsjednik Privredne komore FBiH je istakao da će se od danas početi raditi aktivnosti u smislu održavanja radnih mjesta, početka proizvodnje da bi se što prije obnovila proizvodnja, kao i u smislu dugoročnog programiranja obaveza, doprinosa da bi firme mogle s manje sredstava da zadrže radna mjesta i proizvodnju.

"Prema procjeni Federalnog zavoda za zapošljavanje, koja je rađena na 10.000 ljudi u industrijskom sektoru i 5.000 ljudi u poljoprivredi, 51 milion KM iznosilo bi očuvanje postojeće zaposlenosti u narednih devet mjeseci", kazao je Kenan Rešo, direktor Federalnog zavoda za zapošljavanje.

Rešo je pozvao da se pridruže i međunarodne organizacije, kao i sve druge poput Transparency Internationala BiH, Centra civilnih inicijativa, Antikorupcijske mreže u BiH ACCOUNT, koje svojim znanjem mogu doprinijeti očuvanju radnih mjesta u BiH.

Nakon očuvanja infrastrukture i očuvanja postojeće zaposlenosti mora biti prioritet u ugroženim područjima, zbog čega su se ovim memorandumom, kako kaže Ismet Bajramović predsjednik Saveza samostalnih sindikata BiH, definirale aktivnosti, koje su usmjerene, između ostalog, na privremeno zapošljavanje i angažiranje nezaposlenih osoba na javnim radovima (poslovi saniranja i čišćenja).

Ugroženo do 20 hiljada radnih mjesta

Povod konferencije 6. juna 2014. godine održane u Federalnom zavodu za zapošljavanje je informiranje javnosti o evidentiranju šteta u privrednim subjektima u Federaciji BiH nakon poplava.

U organizaciji Europske unije i Svjetske banke organizirane su aktivnosti na pripremi donatorske konferencije koja bi trebala biti održana početkom jula Sarajevu.

U tijeku je priprema donatorske konferencije na kojoj će se po različitim segmentima prikupljati informacije o nastalim štetama tijekom poplava koje su zahvatile našu zemlju prošlog mjeseca.

Važan segment jeste informacija o štetama na gospodarskim subjektima

nastalim uslijed poplava. Obrascem koji se može popuniti do 12. juna žele se dobiti relevantne informacije o broju uništenih poslovnih subjekata.

"Na internet stranici Federalnog zavoda za zapošljavanje postavljen je obrazac ankete koja se odnosi na sve poslovne subjekte, mikro, srednja i velika poduzeća, a koji imaju registrirano sjedište na području Federacije BiH", kazao je na press konferenciji direktor Federalnog zavoda za zapošljavanje **Kenan Rešo**.


On naglašava da se anketa provodi popunjavanjem Obrasca sačinjenog prema metodologiji Međunarodne organizacije rada (ILO), te se koristi kao ključni ulaz za utvrđivanje objektivne procjene šteta u poslovnim objektima, radi pripreme donatorske konferencije.

"Poziv da se popuni anketa važi i za subjekte koji imaju sjedište u Distriktu Brčko ili u Republici Srpskoj a podružnice su na teritoriji Federacije BiH", kazao je Rešo.

Anketiranje bi se trebalo obaviti na područjima ugroženim prirodnim nesrećom, poplavama i klizištima.


Kada su u pitanju ugrožena radna mjesta, direktor Udruženja poslodavaca u Federaciji BiH **Mladen Pandurević** kaže da je nezahvalno govoriti o tim brojevima.

"Nitko ne garantira da ovaj broj neće biti veći, ali danas možemo govoriti o 15 do 20 tisuća ugroženih radnih mjesta", kazao je Pandurević.


Prijava

Molimo unesite korisničko ime i lozinku za pristup:

[REGISTRACIJA](#)




All rights reserved TEC d.o.o. Sarajevo © 2014

Javna rasprava o Nacrtu Zakona o privrednim društvima



Eldar Trhulji, Ministar FMERI, Mladen Pandurević, direktor UP FBiH i Safudin Čengić, predsjednik UP FBiH

Udruženje poslodavaca u FBiH je upoznalo predstavnike Ministarstva sa primjedbama na Zakon ističući da će svoje primjedbe pismeno uputiti Ministarstvu energije, rudarstva i industrije u predviđenom roku.

Udruženje poslodavaca u FBiH prisustvovalo na javnoj raspravi o Nacrtu zakona o privrednim društvima koju je u Sarajevu dana 28.05.2014.godine u saradnji sa Federalnim ministarstvom energije, rudarstva i industrije organizovala Privredna Komora Kantona Sarajeva.

Javnoj raspravi je pored predstavnika Federalnog Ministarstva energije, rudarstva i industrije prisustvovao i aktivno učestvo vao veliki broj privrednika iz Kantona Sarajevo. U ime predlagača, Federalnog ministarstva energije, rudarstva i industrije javnu raspravu je vodio sekretar Ministarstva Stipo Buljan sa saradnicima. Kako je istaknuto na ovom skupu, Javna rasprava se provodi u skladu sa zaključkom Doma naroda Parlamenta Federacije Bosne i Hercegovine kojim je prihvaćen Nacrt zakona. Imajući u vidu značaj Zakona o privrednim društvima, ocjenjeno je da Nacrt može poslužiti kao osnova za izradu Prijedloga zakona.

Udruženje poslodavaca u FBiH je upoznalo predstavnike Ministarstva sa primjedbama na Zakon ističući da će svoje primjedbe pismeno uputiti Ministarstvu energije, rudarstva i industrije u predviđenom roku. Udruženje smatra da je predloženi tekst dobra osnova za usvajanje novog Zakona. Međutim, smatramo da se određena rješenja moraju promjeniti, čime bi Zakon dobio na kvalitetu i bio provodiv u praksi.

Između ostalog, na javnoj raspravi je istaknuto da je neophodno preduzeti snažne mjere na smanjenju administrativnih barijera i opterećenja privrednim subjektima, prije svega u oblasti otpočinjanja poslovanja (registracija firme itd.).

U skladu sa postavljenim ciljevima u oblasti poslovanja i funkcionisanja privrednih društava neophodno je usvojiti i nove evropske standarde korporativnog upravljanja.

Istovremeno moraju se ustanoviti efikasni mehanizmi za praćenje primjene tih standarda istaknuto je na ovom skupu.

Dalje, imajući u vidu da je u proceduri Nacrt Zakona o registraciji poslovnih subjekata u FBiH zakonodavac treba imati u vidu i usklađivanje odredbi ovog Zakona sa Nacrtom Zakona o registraciji poslovnih subjekata, istaknuto je na ovom skupu.

Amandmani možete preuzeti [OVDJE](#).

Vanredna sjednica ESV



Šef delegacije poslodavaca u ESV-u Safudin Čengić je istakao da je 1,3 milijarde eura ogromna cifra za BiH, njene budžete i privredu, te da svakog treba zabrinuti kako doći do tog novca.

Članovi ESV-a FBiH

Ekonomsko-socijalno vijeće (ESV) za teritoriju Federacije BiH je na vanrednoj sjednici u Sarajevu podržalo aktivnosti Vlade FBiH na saniranju stanja u Federaciji BiH nakon prirodne nesreće.

ESV je na inicijativu Saveza samostalnih sindikata BiH razmatralo aktuelnu situaciju u vezi s elementarnim nepogoda u FBiH. Federalni premijer Nermin Nikšić je istakao da prve preliminarne procjene, koje su uradile međunarodne finansijske institucije, govore da štete od elementarne nepogode koja je zahvatila BiH iznose oko 1,3 milijarde eura.

Dodao je da su te prve preliminarne procjene radili EBRD, MMF i Raiffeisen banka napominjući da je procjena šteta u toku, da se podaci svakodnevno ažuriraju, te da je 18. juni rok do kada trebaju biti završene procjene.

Socijalnim partnerima je prezentirao preliminarne podatke po kojima je klizištima i poplavama ugroženo nešto manje od 5.900 objekata od čega 4.600 u FBiH. Nikšić je naveo i da je u FBiH evakuisano oko 23.000 osoba, a u RS-u oko 46.000 osoba.

- Gruba procjena šteta u sektoru transporta u FBiH iznosi oko 27 miliona eura, ne uključujući štete na lokalnim putevima. Indirektni gubici JP "Elektroprivreda BiH" su više od 100 miliona KM. Gubici na mreži elektroprenosa su dva miliona KM - kazao je, između ostalog, Nikšić.

Također, grube procjene ukazuju da su gubici radnih mjesta oko 15.000 od čega 5.000 radnih mjesta u poljoprivredi i 10.000 u industriji, te da će za njihovo očuvanje trebati oko 50 miliona KM.

Nikšić je naglasio da će socio-ekonomski efekti stanja prirodne nesreće ovisiti o brzini mobilizacije i implementacije sredstava za obnovu. Kao izvore finansiranja obnove naveo je budžete Federacije BiH, kantona i općina, strane i domaće donacije, kao i kredite međunarodnih finansijskih institucija.

Govoreći o stanju na poplavljenim područjima, te mjerama koje je u međuvremenu poduzela Federalna vlada Nikšić je istakao da su donesene ključne odluke, ostvarena intenzivna saradnja s Civilnom zaštitom na aktivnostima izmještanja neposredno ugroženih, kao i da je izvršeno mobiliziranje i dostavljenje materijalno-tehničkih resursa u krizna područja.

Šef delegacije poslodavaca u ESV-u Safudin Čengić je istakao da je 1,3 milijarde eura ogromna cifra za BiH, njene budžete i privredu, te da svakog treba zabrinuti kako doći do tog novca.

Po njegovim riječima, Vlada i druge institucije ne smiju napraviti greške u određivanju prioriteta, s tim da je „krov nad glavom“ prvi prioritet, ali da se hitno treba omogućiti i obnova privrednih subjekata da bi se sačuvala radna mjesta.

Kompanije koje su obustavile proizvodnju uslijed pričinjenih šteta ili koje zbog njih otežano posluju, kako je istaknuto, više nisu objektivno u mogućnosti da na vrijeme ispunjavaju svoje kreditne obaveze prema bankama, pa je predloženo da se putem Agencije za bankarstvo FBiH od banaka zatraže određene olakšice kako bi se pomoglo, kako privrednim subjektima, tako i pojedincima koji su u ovim nepogodama pretrpili štete.

ESV je donijelo i odluku da se 30 posto od mjesečnih naknada članova usmjeri za pomoć ugroženima od poplava.

Poslodavci i sindikat protiv Nacrta zakona o porezu na dobit

Šef delegacije poslodavaca u Ekonomsko-socijalnom vijeću Safudin Čengić rekao je da poslodavci ne mogu dati podršku ovakvom tekstu zakona jer ih ne stimulise da više investiraju i otvaraju nova radna mjesta.

Na današnjoj sjednici Ekonomsko-socijalnog vijeća za teritoriju Federacije BiH (FBiH), delegacije poslodavaca i sindikata u ovom vijeću, nisu podržale predloženi Nacrt zakona o porezu na dobit.

Ekonomsko-socijalno vijeće podržalo je prijedlog da u što kraćem roku bude organizovan okrugli sto na kome bi bilo raspravljano o ovom zakonskom prijedlogu i na koji bi, osim socijalnih partnera i drugih zainteresovanih, bili pozvani i predstavnici međunarodnih institucija.

U obrazloženju ovog zakonskog rješenja, federalni ministar finansija Ante Krajina naveo je da je zakon, nakon što ga je usvojila Vlada FBiH, upućen u parlamentarnu proceduru. U njegovu izradu bili su uključeni i stručnjaci Međunarodnog monetarnog fonda, posebno u segmentu koji se odnosi na status izvoznika i priznavanje, odnosno nepriznavanje troškova reprezentacije.

Krajina je istakao da je u zakonu, što je bitna novina, transparentno pojašnjen termin transfernih cijena.

Šef delegacije poslodavaca u Ekonomsko-socijalnom vijeću Safudin Čengić rekao je da poslodavci ne mogu dati podršku ovakvom tekstu zakona jer ih ne stimulise da više investiraju i otvaraju nova radna mjesta.

Na sjednici je razmatrana inicijativa Udruženja poslodavaca FBiH o ukidanju plaćanja članarina u turističkim zajednicama. Predloženo je da se pokrene inicijativa za izmjenu zakonske regulative koja tretira parafiskalne namete, koji opterećuju poslovanje privrednih subjekata.

Ekonomsko-socijalno vijeće je ponovo ukazalo na potrebu usvajanja zakona o šumama u Federaciji BiH.



Održana konferencija “Izazovi budžetske (ne)stabilnosti u BiH”

Predstavnik Udruženja poslodavaca FBiH prisustvovao je Konferenciji "Izazovi budžetske (ne)stabilnosti u BiH" koju je 29. maja 2014. godine organizovao Centar civilnih inicijativa (CCI). Na konferenciji je prikazana premijerna projekcija dokumentarnog filma „Budžet narodu“ koji su u skopu projekata pripremili Centri civilnih inicijativa.

Na konferenciji su pored predstavnika poslodavaca, sindikata, privredne komore, porezne uprave, akademske zajednice prisustvovali i predstavnici izvršne i zakonodavne vlasti koji su bili panelisti u panel diskusiji. Kroz ovaj projekat CCI su analizirali budžet na svim nivoima Vlasti.

Važno je napomenuti da je prema ovim istraživanjima zabrinjavajuće gdje se BiH nalazi kada je u pitanju vanjski i unutrašnji dug. Naime kako su prezentirali CCI ukupan vanjski dug BiH je preko 7 milijardi i trebaće narednih 20 godina da se otplati, s tim da dug po osobi u BiH iznosi preko 3000 KM. Također, blizu polovine javnog novca u BiH troši se na finansiranju javnog sektora a 1/3 na socijalna davanja. Postavlja se pitanje kako dalje? Da li BiH može izaći iz krize

bez naredne tranše MMF? Stručnjaci nisu mogli dati odgovore na ova pitanja. Predstavnici porezne uprave smatraju da treba povećavati prihode, dok predstavnici poslodavaca smatraju da su prihodi i onako previsoki te da treba raditi na rasterećenju privrede i svakako reformi javne uprave. Više na : <http://www.budzetnarodu.ba>



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА

Privrednici iz FBiH se uključuju u sanacije štete od poplava i klizišta



Više od stotinu najodgovornijih ljudi iz javnih i privatnih privrednih subjekata iz cijele Federacije BiH odazvalo se danas pozivu federalnog premijera Nermina Nikšića i prisustvovalo sastanku s članovima Vlade FBiH posvećenom iznalaženju načina za ublažavanje posljedica katastrofalnih poplava koje su zadesile našu zemlju.

Premijer Nikšić prezentirao je privrednicima inicijativu Federalne vlade za osnivanje Fonda za pomoć nastradalim područjima. Sredstva prikupljena na ovaj način bila bi korištena za hitnu, interventnu obnovu stambenih jedinica i infrastrukturnih objekata.

Također, sredstva Fonda bila bi namijenjena i privrednim subjektima koji su pretrpjeli štete, a u cilju nastavka rada i

očuvanja radnih mjesta.

Na čelu Fonda će, kako je predloženo, biti Upravni odbor u koji će ući predstavnici Federalne vlade i kompanija koje se svojim sredstvima uključe u njegov rad.

Prema riječima federalnog premijera, obzirom na ogromne razmjere šteta izazvanih poplavama i aktiviranim klizištima, a koje nije moguće sanirati isključivo domaćim sredstvima, očekuje se i značajno uključivanje međunarodne zajednice.

Nacr Statuta Fonda će biti dostavljen svim zainteresiranim privrednim subjektima, kako bi o njemu dali primjedbe i sugestije, a bit će, nakon što ga Vlada utvrdi, objavljen na web stranici Vlade FBiH.

Zaključujući sastanak s privrednicima, premijer Nikšić je kazao da današnji skup pokazuje da i u ovom teškom vremenu ima veliki broj onih koji su spremni na nesebičnu pomoć i solidarnost s onima koji su nastradali u ovoj prirodnoj nesreći. On je zahvalio na velikom odazivu današnjem sastanku, naglasivši da su brojne kompanije već uputile konkretnu pomoć ugroženim područjima, navodi se u saopštenju Vlade FBiH.

Međunarodni poslovni forum 2014.

Početak mjeseca juna u Kongresnom centru Terme Ilidža u organizaciji Ministarstva privrede Kantona Sarajevo, uz saradnju sa British Council zvanično počeo sa radom Međunarodni poslovni forum 2014.

Forum je zvanično otvorio ministar privrede Kantona Sarajevo Emir Hrenovica koji je naglasio da je cilj dvodnevnog poslovnog Foruma predstavljanje Kantona Sarajevo kao potencijalne investicijske destinacije i predstavljanje privrednog sektora.

„Drago mi je da vidim goste iz cijele BiH, ali i iz regiona. Nadamo se da će ovaj Forum postati tradicionalan kao jedan od vodećih događaja u ovom dijelu Evrope, kao i da će ulaganja u promociju Kantona Sarajevo kao investicijske destinacije rezultirati unapređenjem privrednog sektora i poslovnog ambijenta za poslovanje i ulaganje“, izjavio je ministar Hrenovica. Prisutnima se tokom ceremonije otvaranja obratio i Valentin Inzko, visoki predstavnik za BiH, koji je istaknuo da se Međunarodni poslovni forum održava u dramatičnom periodu. „BiH je potreban svaki oblik pomoći u vidu

investicija i otvaranja novih radnih mjesta. Prirodni resursi BiH su veliki, a ljudski još veći te ih treba iskoristiti. Ljudi iz BiH u inozemstvu su vrlo uspješni, stoga ne vidim razlog zašto ne bi bili i u svojoj zemlji“, kazao je Inzko.

Zamjenik šefa Delegacije EU u BiH Renzo Daviddi također je pozdravio učesnike Foruma i poželio uspješan rad. „Mi pokušavamo privući pažnju građana ove zemlje o ekonomskim problemima, a barijere u poslovanju jedan su od razloga zbog kojih investitori ne ulažu u BiH“, upozorio je Daviddi. Larisa Halilović, direktorica British Councila u BiH je u obraćanju prisutnima naglasila da je mnoge zanimala veza između British Councila i investiranja.

„Ako ne investirate u obrazovanje, sigurno ste na gubitku. Više od 110 zemalja ima isti problem kao BiH, a to je kako zadovoljiti potrebe tržišta rada i kadrova, a British Council pokušava uskladiti potrebe i jednog i drugog sektora“, kaže Halilović. Pismo podrške Međunarodnom poslovnom forumu uputio je i Premijer FBiH Nermin Nikšić koji je sa zadovoljstvom pozdravio organiziranje

ovog značajnog skupa u Sarajevu.

Ministar Hrenovica je na kraju ceremonije otvaranja uručio zahvalnice partnerima projekta: Međunarodnom aerodromu Sarajevo, British Councilu, Preventu BH, Općini Ilijaš, a specijalnu zahvalnicu dobio je Fahrudin Solak, v.d. direktor Federalne uprave civilne zaštite, za izniman doprinos u spašavanju ljudi i materijalnih dobara od posljedica poplava koje su u maju 2014. godine pogodile BiH.

Tokom Foruma domaći i inozemni stručnjaci govorit će o poslovnim izazovima današnjice, ekonomskom razvoju, izvozu na evropsko tržište, prioritetu preuzimanja evropskih normi, fondovima EU itd. Drugog dana Foruma održat će se okrugli sto tokom kojeg će se razgovarati o implementaciji evropskih i međunarodnih standarda u obrazovanju kako bi imali bolji pristup radnom i obrazovnom tržištu Evrope i svijeta. Forum okupija najeminentnije privredne i finansijske eksperte iz zemlje i inozemstva, kao i predstavnike stranih i domaćih kompanija različitih sektora privrede.



Međunarodna konferencija „Izazovi u zapošljavanju u vrijeme ekonomske krize“ 20-21.2014, Čapljina

U organizaciji Federalnog ministarstva rada i socijalne politike, Fonda za profesionalnu rehabilitaciju i zapošljavanje osoba s invaliditetom FBiH, Federalnog zavoda za zapošljavanje i Ureda atašea za rad i socijalna pitanja Republike Austrije održana je dvodnevna Međunarodna konferencija pod nazivom “Zapošljavanje u vrijeme ekonomske krize”, 20-21.05.2014. godine u hotelu Mogorjelo, u Čapljini.



S obzirom da je trenutno nezaobilazna tema šire javnosti BiH tragedija koja je u proteklom periodu pogodila našu državu, manifestacija je započeta minutom šutnje, posvećena žrtvama elementarne nepogode.

Uvodnu riječ imali su ministar Vjekoslav Čamber, direktor Fonda, Ivica Marinović, ministar rada i mirovinskog sustava Republike Hrvatske, Mirando Mršić, austrijski atašea za rad i socijalna pitanja Republike Austrije, Oliver Hiller, izaslanik predsjednika Federacije BiH, Vinko Drinovac.

U sklopu dvodnevnih izlaganja, svoje aktivno učešće na konferenciji uzeli su čelni ljudi iz ministarstava BiH, Hrvatske, Austrije, predstavnici kantonalnih službi za zapošljavanje, agencija za razvoj, kao i predstavnici nevladinih organizacija.

Ministar rada i socijalne politike FBiH, Vjekoslav Čamber istakao je neusklađenost obrazovnog sustava FBiH sa potrebama tržišta rada, kao jedan od osnovnih problema u oblasti zapošljavanja, obzirom da država, kako je naglasio „proizvodi“ višak radne snage, koja tržištu nije potrebna.

Po pitanju rada na crno, kolektivnih ugovora, Zakona o radu, zaštiti na radu, te prenapregnutom mirovinskom sustavu, ministar Mršić je naglasio da Republika Hrvatska i Bosna i Hercegovina dijele ista loša iskustva.

„Ovakve konferencije su vrijedne radi zajedničkog razmatranja mogućnosti i zajedničke suradnje. BiH i Hrvatska surađuju dugi niz godina i obzirom na ulazak Hrvatske u EU, a na nama je vidjeti modalitete i načine zapošljavanja radnika iz BiH u Hrvatskoj, koja je uvijek bila mjesto, gdje su se radnici iz BiH zapošljavali“, istakao je ministar Mršić.

Direktor Ivica Marinović poručio je, kako je dug put učenja i stjecanja znanja o potrebama osoba sa invaliditetom, ali da je ovakav način razmjene saznanja efikasan put, nakon kojeg bi trebali izaći svi bogatiji i posvećeniji misiji unaprjeđenja položaja osoba sa invaliditetom.

“Razvijenost modernog društva, njegov civilizacijski iskorak se ponajbolje mogu sagledati kroz odnos i brigu prema osobama u stanju potrebe, očuvanju njihovog integriteta i prožimanja u sve društvene pore“, dodao je on, te izrekao nadu, da će subliminirana iskustva s ove konferencije biti svima od pomoći u procesima budućeg rada.

Inače, ova konferencija održana je s ciljem analize trenutnog stanja u oblasti zapošljavanja u FBiH i radi analize izazova, kao i mogućnosti iznalaženja iz iste, te razmjeni iskustava u okviru ove tematike.

U sklopu programa, posebna pažnja posvećena je pitanju nezaposlenosti mladih i pitanju zapošljavanja osoba sa invaliditetom, pri čemu su se predavači kroz niz izlaganja osvrnuli na ovu problematiku.

Prenesena su i iskustva iz zemlje sa najmanjom stopom nezaposlenosti u Europskoj uniji – Austrije, koja vrijedi kao najbolji primjer uređenosti sistema zapošljavanja.

Konferencija je rezultirala nizom zaključaka, a neki od njih su:

- Neophodna je reforma mehanizama povezanosti obrazovnog sistema i tržišta rada, kao početni korak rješavanja ove problematike
- Potrebno je povećanje sredstava radi izrade analize tržišta rada i pronalaženje efikasnijih mjera za zapošljavanje
- Treba poraditi na razvoju suradnje i razmjeni iskustava, kao i primjera dobre prakse sa zemljama iz okruženja
- U skladu sa direktivom Europske unije o zapošljavanju, posebnu pažnju dati zapošljavanju marginaliziranih i teško zapošljivih kategorija, kao i promoviranju socijalnog dijaloga
- Potrebno je usvajanje jedinstvene definicije osoba sa invaliditetom, u skladu sa Konvencijom Ujedinjenih nacija o pravima osoba sa invaliditetom.

Direktor UP FBiH održao prezentaciju “Analiza zapošljavanja osoba sa invaliditetom”

Mladen Pandurević, direktor UPFBiH je na međunarodnoj Konferenciji održao prezentaciju na temu “Analiza zapošljavanja osoba sa invaliditetom”.

Prezentacija je sačinjena na bazi podataka koje je Udruženje poslodavaca FBiH prikupilo krajem 2013. godine.

Sorensen: Privatni sektor u BiH je prilično jak, ali nedostaju ulaganja

U Sarajevu je zatvorena konferencija o ekonomskom oporavku Bosne i Hercegovine. Konferenciju je organizirala Direkcija za evropske poslove u BiH (EUSR), a prezentacija Sporazuma za razvoj u Bosni i Hercegovini je održana pod predsjedanjem ambasadora Petera Sorensena, specijalnog predstavnika Evropske unije.



"Uradili smo odličan posao za kratko vrijeme, svi zajedno. Ovo nije kraj, ovo je samo početak nečega što ćemo nastaviti i mislim da je to najvažnije. Mislim da su definisani glavni ekonomski, ali i druge probleme ove zemlje, što je veoma bitno za početak. Svi smo pod utiscima zbog prirodne katastrofe koja je pogodila Bosnu i Hercegovinu i svi ćemo se zajedno potruditi da svojim djelima pozitivno utičemo na buduće događaje", rekao je Sorensen i zahvalio se učesnicima konferencije.

Cilj Foruma za prosperitet i zapošljavanje bio je utvrđivanje mjera koje će privući investicije,

zauzimanje šireg pristupa ekonomskim prilikama, podsticanje otvaranja novih radnih mjesta i ostvarivanje bolje socijalne zaštite. Ambasador Sorensen je rekao da svi zaključci koji su doneseni određuju na koji način pomoći Bosni i Hercegovini, ali i mnogo više od toga.

"Moj zaključak je da su visok nivo nezaposlenosti, loš odnos društva prema socijalno ugroženima, komplicirane procedure za otvaranje vlastite firme i visok nivo korupcije glavne stvari na koje se treba fokusirati i rješavati ih. Mijenjanjem ekonomije se može pozitivno utjecati na ljude i ujediniti ih u borbi pozitivnim ishodom. Mnogi učesnici su naglasili da se mogućnosti zanemaruju zbog ličnih ili tuđih interesa što dovodi i do problema u samoj državi. Mi ćemo se aktivno uključiti u rješavanje ovih problema i odmah se posvetiti gorućim temama, a to su porezi i zapošljavanje", naglasio je.

Smatra i da Bosna i Hercegovina mora smanjiti cijenu rada i uskladiti je sa propisima EU, te da se mora poraditi na pojednostavljivanju procedura i maksimalno olakšati i proces zapošljavanja. Specijalni predstavnik je podsjetio i da je naša zemlja, prema lakoći poslovanja, od 189 zemalja rangirana na nezavidno 131. mjesto, u odnosu na zemlje regiona: Crna Gora 44., Hrvatska 89., Kosovo 86., Albanija 90. mjesto.

"Država mora poraditi na tome da taj koeficijent približi susjednim zemljama. Privatni sektor je poprilično jak, ali nedostaju ulaganja. Dakle, država mora ojačati i ustabiliti ovaj sektor kako bi ponudila sigurna ulaganja za mnogobrojne inostrane ulagače. Korupcija je veoma bitan segmentu u svemu ovom, jer smanjuje šansu za ulaganjima i napretkom poslovanja. U borbi protiv korupcije potrebno je ojačati zakonski segment kao i reformirati administraciju. EU će pomoći savjetima i konkretnim primjerima kako unaprijediti sistem u borbi protiv korupcije, ovladati troškovima i transparentnošću potrebnih segmenata. I na kraju, Bosna i Hercegovina mora ojačati društvenu zaštitu kroz određene korake. Svjetska banka je spremna pomoći u ovome i podržati potrebne reforme", zaključio je ambasador Sorensen.

Direktor UPFBiH održao prezentaciju na temu " Tržište rada i opterećenja poslodavaca"

Jedan od govornika na Konferenciji o ekonomskom oporavku BiH, bio je Mladen Pandurević, direktor UP FBiH. Pandurević je održao prezentaciju na temu " Tržište rada i opterećenja poslodavaca".

Na kraju same prezentacije donešeni su slijedeći zaključci ;

- Bez ekonomskog rasta sve mjere na sređivanju tržišta rada su „forma bez sadržaja“
- Radno zakonodavstvo zasnovano na principu „ više biva manje“, je hiperprodukcija zaštite radnika, koja ne odgovara realnim odnosima i dovodi do neprovodivih rješenja
- Bez POSLODAVCA, jedinog poželjnog subjekta koji zapošljava, prava radnika su: „Nullum ius“ - pravo bez sadržaja.

Održana radionica pod nazivom „Proces evropskih integracija i fondovi EU sa aspekta učešća i koristi za poslovnu zajednicu”



Krajem mjeseca maja održana je radionica pod nazivom „Proces evropskih integracija i fondovi EU sa aspekta učešća i koristi za poslovnu zajednicu” u organizaciji Direkcije za evropske integracije, Vanjskotrgovinske komore BiH i Asocijacije poslodavaca BiH.

U zgradi Parlamentarne skupštine, gdje je prisustvovalo preko 60 učesnika poslovne zajednice, vladinih i nevladinih organizacija, predstavljani su programi koji će uskoro biti

dostupni BiH građanima, prije svega poslovnoj zajednici, a u cilju njihovog informiranja i, kasnije, što većeg stepena iskorištenosti sredstava koja će nam biti dostupna. Konkretno, od strane

Ministarstva vanjske trgovine i ekonomskih odnosa predstavljani su EDIF - Western Balkans Enterprise Development and Innovation Facility, Vanjskotrgovinska komora je u saradnji sa Asocijacionom poslodavaca predstavila program COSME, Evropske poduzetničke mreže i povoljnih kreditnih sredstava za poslovnu zajednicu, dok je Direkcija za evropske integracije predstavila program Horizon 2020, projekat građenja kapaciteta u BiH za evropska istraživanja i tehnološki razvoj.

Prezentacije su od strane učesnika ocijenjene kao veoma korisne, a plan je da se sa ovakvom praksom nastavi i u budućnosti, kako bi se poslovna zajednica informirala o dostupnim fondovima i povoljnim kreditnim sredstvima.

Udruženje poslodavaca posjetio Andres F. Martinez, Specijalista za razvoj privatnog sektora Svjetske banke



Andres F. Martinez,
Specijalista za razvoj
privatnog sektora Svjetske
banke

Početkom mjeseca juna Udruženje poslodavaca FBiH posjetio je Andres F. Martinez, Specijalista za razvoj privatnog sektora Svjetske banke.

Razlog posjeta Martineza jeste Zakon o stečaju FBiH o kojem je razgovarao sa Mladen Pandurevićem, direktorom UP FBiH.

Obzirom da je tokom mjeseca decembra 2013.godine održan okrugli sto na kojem se raspravljalo o Zakonu o stečaju donesen je zaključak da je potrebno raditi na unapređenju stečajnih postupaka, te da stečaj ne treba da znači i gašenje firme u kojoj se provodi.

Pandurević je tokom razgovora sa Martinezom naglasio da će Udruženje poslodavaca i Asocijacija poslodavaca BiH organizovati okrugli sto na temu stečajni postupci. Okrugli sto će biti dobra prilika za razmjenu mišljenja i donošenje određenih smjernica za buduća djelovanja u vezi Zakona o stečaju.

Andreas F. Martinez je tokom razgovora naglasio da Udruženje poslodavaca FBiH može računati na pomoć Svjetske banke i pomoć Martineza kao specijaliste za razvoj šrivatnog sektora pri Svjetskoj banci.

Održan 15. međunarodni Simpozij PRIORITETI BiH

**Međunarodnih simpozija u organizaciji konsultantske kuće Revicon d.o.o. Sarajevo . XV
Međunarodni simpozij nosi naziv: *PRIORITETI ZA FBiH: PRIORITET br. 1 –
GOSPODARSTVO***

Krajem mjeseca maja održan je 15. međunarodni Simpozij u Neumu. Konsultantska kuća Revicon d.o.o. za istraživačko-razvojne usluge i poslovni konsalting Sarajevo je bila organizator navedenog Simpozija.

Međunarodni simpozij je okupio eminentne stručnjake iz više ključnih oblasti (porez, računovodstvo, revizija, javni sektor, finansijska tržišta, bankarstvo), te priznate poduzetnike, ekonomske praktičare i teoretičare, predstavnike javne uprave i regulatornih tijela, te finansijske djelatnike različitih profila.

Predsjednik UP FBiH Safudin Čengić bio je jedan od uvodničara na 15. međunarodnom Simpoziju na temu o prioritetima za gospodarstvo, stanju i perspektivama. Tokom prvog dana Simpozija na pitanja učesnika svoje odgovore davali su predstavnici vlasti i ekonomsko-socijalni partneri.

Prioriteti o kojima se govorilo tokom drugog dana Simpozija odnosili su se na računovodstvo i reviziju, te finansije, a dok se na samom završetku Simpozija govorilo o javnim nabavkama i javnom sektoru.

Pored predstavnika Vlade FBiH i Saveza samostalnog sindikata BiH svoje učešće u Simpoziju imali su i predstavnici Udruženja poslodavaca FBiH.

Mladen Pandurević, direktor UP FBiH održao je prezentirao rad "Porezni podsticaj za nova preduzeća i nova zapošljavanja kao jedna od mogućih mjera za smanjenje nezaposlenosti", koji je će biti uvršten u Zbornik radova.

Zaključci koji su donešeni na samom kraju rada na navedenu temu odnose se na slijedeće;

Fiskalnim i finansijskim poticajima, u narednih 5 godina, nezaposlenost se može prepoloviti. Međutim reforma fiskalnog sistema mora biti dio strukturalnih reformi, koje se moraju simultano provoditi. Ukoliko bi se samo pristupilo radikalnoj reformi fiskalnog sistema, bez reformi javne uprave, mjera za smanjenje nelokvidnosti, mjera za poboljšanje privrednog ambijenta i donošenja čitavog seta zakona, narušila bi se finansijska održivost budžeta i vanbudžetskih fondova.

Međutim, to nikako ne znači da se na taj način, Vladama daje alibi za ne provođenje reforme fiskalnog sistema. Upravo suprotno, to znači da vlade na svim nivoima, hitno trebaju početi sa strukturalnim reformama. Budući da je to proces koji se nemože dati efekte u kratkom roku, veoma je važno krenuti odmah i početi implementaciju prioriternih mjera.

Nakon trodnevnog Simpozija na samom završetku sačinjen je izvještaj o prioritetima i zaključci koje možete preuzeti na stranici konsultantske kuće Revicon d.o.o. Iz Sarajeva.



Revicon

Održan drugi sastanak Radne grupe za izradu Strateških pravaca razvoja karijerne orijentacije u FBiH

Dana 12. juna održan je drugi sastanak Radne grupe za izradu Strateških pravaca razvoja karijerne orijentacije u FBiH u organizaciji Federalnog ministarstva kulture i sporta.

Na sastanku Radne grupe radilo se na izradi dokumenta Strateški pravac razvoja karijerne orijentacije u Federaciji Bosne i Hercegovine.

Članovi Radne grupe pored predstavnika ministarstva su i predstavnici Zavoda za zapošljavanje, Zavida za statistiku FBiH, Privredne komore, GIZ-a i predstavnik Udruženja poslodavaca FBiH.

Navedeni dokument predstavlja prvi zvanični institucionalni doprinos uspostavljanju i razvoju karijerne orijentacije u Federaciji BiH, koji

predstavlja bitan segment obrazovanja, efikasnog funkcionisanja tržišta rada, te doprinosi većoj povezanosti sistema obrazovanja i tržišta rada.

Svrha izrade ovog dokumenta je bolje uvezivanje i integrisano djelovanje sektora obrazovanja i rada te drugih relevantnih socijalnih partnera s ciljem unapređenja djelatnosti karijerne orijentacije u Federacije BiH. Pored navedenog, izrada ovog dokumenta ima za cilj razvoj sistema pružanja usluga karijerne orijentacije koje obuhvataju:

- Podizanje svijesti o važnosti karijerne orijentacije,
- Informisanje o mogućnostima obrazovanja i zaposlenja,
- Praćenje razvoja pojedinaca i savjetodavni rad,

- Procjenu kompetencija, razvijanje vještina donošenja odluka,
- Upravljanje karijerom za sve građane tokom cijelog života.

Vremenski okvir za izradu Strateških pravaca razvoja karijerne orijentacije u Federaciji BiH je ova kalendarska godina, stim da bi prva radna verzija dokumenta trebala biti pripremljena do kraja septembra ove godine, kako bi se nacrt dokumenta mogao finalizirati i uputiti na razmatranje Vladi Federacije BiH u decembru 2014. godine.



Članovi Radne grupe

Izlaz: Javno privatno partnerstvo



Muhamed Pilav

Koncept Javno privatnog partnerstva je potpuno nerazvijen u BiH, ali je uloga privatnog sektora u finansiranju infrastrukture eksplicitno istaknuta u aktualnoj Strategiji razvoja BiH. Kao što iskustvo mnogih zemalja pokazuje, dobro pripremljeni aranžmani JPP-a omogućavaju uvođenje komercijalne discipline u isporuku infrastrukturnih usluga i istodobno povećavaju efikasnost. Veća politička stabilnost i bolja regulacija među ključnim su razlozima boljeg privlačenja participacije privatnog sektora. Saradnja javnog, privatnog i civilnog sektora izuzetno je važna za održivi razvoj zajednice, posebno za edukaciju i investiranje u oblasti ekonomije, zaštite životne sredine i unapređenja lokalnih zajednica. Gosti u emisiji: Radmila Mihić, pomoćnik ministra finansija RS za upravljanje investicijama; dr. Azra Branković, Ured koordinatora za reformu javne uprave; Muhamed Pilav, Udruženje poslodavaca FBiH; Dijana Komosar, ekspert, PKRS -Područna privredna komora Banja Luka. (BHT)

Čengić: Za izlazak iz krize potrebni su nam lideri



Safudin Čengić

Direktor Centrotransa i predsjednik Udruženja poslodavaca FBiH Safudin Čengić izjavio je danas da će uz pomoć međunarodnih faktora i humanitarnih organizacija biti saniran dio šteta nastalih nakon katastrofalnih poplava koje su pogodile BiH.

On je naveo da Udruženje poslodavaca smatra da će u jednom kraćem periodu, uz pomoć međunarodnih faktora i humanitarnih organizacija, biti saniran dio šteta, i istakao da je potrebno aktivirati privredne subjekte i pokrenuti proizvodnja.

Bez toga nema oporavka. Zato su potrebni lideri, krediti i otvaranje tržišta – rekao je Čengić jedan od uvodničara na današnjoj sesiji Kruga 99 o temi "Liderstvo u obnovi privrede i

otklanjanju posljedica prirodne katastrofe". O ovoj temi danas su govorili i ministar razvoja i poduzetništva FBiH Sanjin Halimović i Džemal Memagić, vlasnik Alma-Ras i načelnik Opštine Olovo.

Halimović rekao je da "BiH ima dva minusa koja treba svesti na nulu ili ih prevesti u plus".

Radi se, naveo je on, o stanju u privredi koje je inače bilo teško u FBiH i prirodnoj nesreći koja je dobrim dijelom pogodila privredne subjekte. Halimović je rekao da to treba pretvoriti u novu šansu u pokretanju privrede.

On je istakao da u poslovima obnove treba koristiti domaću operativu, a od prikupljenih donatorskih sredstava isključivo kupovati robu domaćeg porijekla. Halimović je istakao potrebu za organizovanje donatorske konferencije koja će pomoći u

Zbog poplava će 20 hiljada ljudi ostati bez posla



Mladen Pandurević

- Pretpostavka je da bi od 10 do 15 tisuća ljudi u realnom sektoru moglo trajno ostati bez posla kao posljedica elementarne nepogode u BiH, a isto toliko ljudi i u poljoprivredi. Međutim, procjene su da će se takvo stanje iz dana u dan popravljati i da će se sigurno jedan dio ljudi relativno brzo moći vratiti na svoja radna mjesta - rekao je Mladen Pandurević, direktor Udruženja poslodavaca BiH.

Kako bi ugroženo stanovništvo moglo preživjeti do sljedeće sjetve, Avdo Rapa, predsjednik Gospodarske komore FBiH je istaknuo kako će početi raditi aktivnosti u smislu održavanja radnih mjesta, početka proizvodnje da bi se što prije obnovila proizvodnja, kao i u smislu dugoročnog programiranja obveza, doprinosa da bi firme mogle s manje sredstava zadržati radna mjesta i proizvodnju.

-Prema procjeni Federalnog zavoda za zapošljavanje, koja je rađena na 10.000 ljudi u industrijskom sektoru i 5.000 ljudi u poljoprivredi, 51.000.000 KM iznosilo bi očuvanje postojeće zaposlenosti u sljedećih devet mjeseci, kazao je Kenan Rešo, direktor Federalnog zavoda za zapošljavanje.

Nakon očuvanja infrastrukture i očuvanja postojeće zaposlenosti mora biti prioritet u ugroženim područjima, zbog čega su se ovim memorandumom, kako kaže Ismet Bajramović predsjednik Saveza samostalnih sindikata BiH, definirale aktivnosti, koje su usmjerene, između ostalog, na privremeno zapošljavanje i angažiranje nezaposlenih osoba na javnim radovima (poslovi saniranja i čišćenja).

BiH u svojevrsnoj ekonomskoj izolaciji: Pet dana do crne liste

Komitet za sprječavanje pranja novca i finansiranja terorističkih aktivnosti „Manival“ (Moneyval), Vijeća Evrope, obavijestio je međunarodnu zajednicu da BiH krši obaveze koje je preuzela, odnosno da nije usvojila zakone u ovoj izuzetno osjetljivoj oblasti. Iako BiH još nije stavljena na crnu listu, gdje se nalaze Sjeverna Koreja i Iran, svaka vrsta

Iz BiH jednostavno nema dobrih vijesti - ili nema kraja primjerima onog što čine neodgovorni političari. Kad pomislite da su sve "mogućnosti" iscrpljene, javi se nešto novo, kako to zapaža **Mladen Pandurević**, predsjednik Udruženja poslodavaca Federacije BiH:

"Čini mi se da mašta naših političara nadilazi zdrav razum i da normalan čovjek ne može shvatiti u kakve nas sve situacije mogu dovesti. Još je žalosnije što ovo neće biti ni zadnji put kada će građani biti dovedeni u ovakvu situaciju zbog nedogovornog ponašanja predstavnika vlasti", konstatuje Pandurević.

Nakon Deklaracije eksperata Vijeća Evrope, sve novčane transakcije i uplate prema BiH i iz BiH već se posebno provjeravaju, prolaze višestruke kontrole i svaka od njih je unaprijed sumnjiva. BiH se tako našla u nekoj vrsti ekonomske izolacije, smatra sekretar Udruženja banaka BiH **Mijo Mišić**:

„Sve transakcije sa inozemstvom su pod sumnjom, znači usporene, i kada su u pitanju instrumenti finansijski kao što su akreditivi, garancije - i, naravno, sve drugo vezano za to. Loša poruka je već poslata investitorima. To je ono što je, možda, najviše posljedno. Naš kreditni rejting također ima posljedice zbog ovoga i sigurno da će ukupni troškovi platnih transakcija biti veći, a i cijena kapitala koju budemo plaćali“, ocjenjuje Mišić.

Najviše pogođeni će biti izvoznici, jer 90 % bh. izvoza ide u zemlje EU, ističe direktor Asocijacije poslodavaca Bosne i Hercegovine **Alija Remzo Bakšić**:

"U BiH se na prste mogu izbrojati kompanije koje su sloventne, koje su likvidne, koje mogu uredno izvršavati svoje obaveze. Ako sad dođe do ovih usporavanja novčanih tokova iz inostranstva zbog provjera koje će same po sebi doći zbog ove deklaracije, biće to još jedan udarac bh. privredi i njenoj konkurentnosti na evropskom tržištu."





Rok za popravni

Ambasador BiH u Vijeću Evrope **Almir Šahović** već ima pune ruke posla da dokaže kako neusvajanje zakona ne znači da BiH podržava nelegalne novčane tokove ili finansiranje terorističkih organizacija:

„Objavljivanje Deklaracije Manivala nije nimalo dobra stvar. Mi smo odmah ujutro u ponedjeljak obavili prve, hitne konsultacije sa Sekretarijatom Manivala. Naša poruka je bila da činjenica što BiH do sada nije uspjela da usvoji ova dva zakona nije vezana za nedostatak naše želje ili volje da aktivno učestvujemo u borbi protiv finansiranja terorizma i u borbi protiv pranja novca, već da je to, prije svega, rezultat određenih naših unutrašnjih problema“, kaže Šahović.

Ministar vanjskih poslova BiH **Zlatko Lagumdžija** izjavio je u ponedjeljak da je BiH dobila pet dodatnih dana kako bi izbjegla automatsko stavljanje na crnu finansijsku listu, gdje bi pravila društvo Sjevernoj Koreji i Iranu. Naime, 6. juna je zakazana sjednica Doma naroda kada bi zakoni konačno trebali biti usvojeni.


„Mi smo bili dužni usvojiti ovaj zakon. Ljudi iz Molivala nisu se šalili. Komitet eksperata je rekao svima nama: 'Morate usvojiti taj zakon.' Posljedice su strašne, dramatične. Zna li šta znači u ovoj situaciji kada je pola države poplavljeno to da vam neko kontroliše protok novca, i privatnog, da vraća potencijalne investitore, da u vrijeme kad se očekuje donatorska konferencija se to desi?“, pita **Mehmed Bradarić**, delegat u Domu naroda Parlamenta BiH.

Bosna i Hercegovina je imala nekoliko godina, a u aprilu 2014. je dobila dva dodatna mjeseca kako bi konačno uskladila svoje zakone iz oblasti finansijskog poslovanja sa međunarodnim standardima, i to prije 1. juna ove godine. Predstavnički dom Parlamenta BiH je uspio usvojiti Zakon o sprječavanju pranja novca i terorističkih aktivnosti, ali to, u predviđenom roku nisu uradili delegati Doma naroda.

„Sva priča o ovom zakonu je jedna velika farsa vladajućih struktura. Prije koji mjesec oni su imali sukob oko ovog zakona, da bi nakon prijetnje postigli dogovor, s tim da su zakasnili - i vjerovatno će i to prodati kao veliku bitku za nacionalne interese. Krajnja posljedica je vrlo negativno društvo u kome se BiH našla“, smatra **Mladen Ivanić**, predsjednik Partije demokratskog progresa i delegat u Domu naroda Parlamentarne skupštine.

Ugled zemlje je narušen zbog nedgovornosti političara koji i zakonsku regulativu u vrlo osjetljivoj oblasti - kakva je pranje novca i finansiranje terorizma, posmatraju s aspekta nacionalnih interesa.

„Imaćemo i tu situaciju da sutra branje jabuka podliježe ocjeni ugrožavanja nacionalnog interesa – da li neku jabuku treba ubrati ili ne, ili ja ću brati lijevu stranu, a neko desnu. Nažalost, to je situacija koju živimo“, konstatuje Mladen Pandurević.




INDEKS UVOZNIH I IZVOZNIH CIJENA

Federacija BiH je u novembru / studenom 2013. ostvarila izvoz u ukupnoj vrijednosti 454.154 hilj./tis. KM, što je za 8.438 hilj./tis. KM ili 1,8% manje u odnosu na oktobar / listopad 2013., odnosno za 4.741 hilj./tis. KM ili 1,0% manje u odnosu na novembar / studeni prethodne godine.

U istom mjesecu ostvaren je uvoz u vrijednosti 812.002 hilj./tis. KM, što je za 71.561 hilj./tis. KM ili 8,1% manje u odnosu na oktobar / listopad 2013., odnosno za 4.196 hilj./tis. KM ili 0,5% manje u odnosu na novembar / studeni prethodne godine.

U periodu januar – novembar 2013. izvoz je prosjeno svakog mjeseca rastao za 0,8% a uvoz je prosjeno rastao za 1,7%. Ueše Federacije BiH u ukupnom izvozu Bosne i Hercegovine za novembar / studeni 2013. je 64,5%, a u ukupnom uvozu 62,1%. U istom mjesecu procenat pokrivenosti uvoza izvozom u Federaciji BiH je 55,9% i veći je za 3,5% u odnosu na oktobar / listopad 2013. kada je pokrivenost iznosila 52,4%. Trgovinski deficit Federacije BiH za novembar / studeni 2013. iznosi 357.847 hilj./tis. KM. U novembru / studenom 2013. najviše se izvozilo u: Njemačku 94.514 hilj./tis. KM ili 20,8% ukupnog izvoza; Hrvatsku 54.195 hilj./tis. KM ili 11,9% i Italiju 49.235 hilj./tis. KM ili 10,8% ukupnog izvoza.



INDEKS POTROŠAČKIH CIJENA


U novembru/studenom 2013. godine ukupan indeks cijena proizvođača industrijskih proizvoda viši je za 1,0% u odnosu na prethodni mjesec. Posmatrano prema glavnim industrijskim grupacijama ukupan indeks cijena energije viši je za 4,9%, a trajnih proizvoda za široku potrošnju za 0,2%. Pad indeksa cijena je registrovan/registriran u grupaciji intermedijarnih proizvoda osim energije za 0,7%, kapitalnih proizvoda za 0,5% i netrajnih proizvoda za široku potrošnju za 0,4%. Posmatrano prema područjima KD-a, indeks cijena je viši za 9,5% u području Proizvodnje i snabdijevanja/opskrbe električnom energijom, gasom/plinom, parom i klimatizaciji, a u području Vađenja ruda i kamena i području Snabdijevanja vodom; uklanjanja otpadnih voda, upravljanja otpadom te djelatnosti sanacije okoliša za 0,3%. U području Prerađivačke industrije indeks cijena je niži za 0,6%. Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%.



ZAPOSLENOST PO SEKTORIMA


U mjesecu oktobru/listopadu 2013. godine ukupan broj zaposlenih u Federaciji BiH iznosio je 435.813, što predstavlja smanjenje broja zaposlenih za 0,1% u odnosu na septembar/rujan 2013. godine. U odnosu na godišnji prosjek broja zaposlenih u 2012. godini došlo je do smanjenja broja zaposlenih za 0,3%.

Prosječna mjesečna isplaćena neto-plaća po zaposlenom za oktobar/listopad 2013. godine, u Federaciji BiH, iznosi 845 KM, i nominalno je viša za 1,6%, a realno niža za 0,5% u odnosu na prethodni mjesec. U odnosu na isti mjesec prethodne godine prosječna mjesečna isplaćena neto-plaća po zaposlenom za oktobar/listopad 2013. godine nominalno je viša za 0,9%, a realno za 2,8%.



PROSJEČNE NETO PLATE

Podaci su preuzeti sa stranice; [Federalnog zavoda za statistiku](#)




INDEKS CIJENA PROIZVOĐAČA INDUSTRIJSKIH PROIZVODA

Indeksi cijena proizvođača industrijskih proizvoda u Federaciji BiH od 2011. godine su izračunati u skladu sa Klasifikacijom djelatnosti BiH 2010 (Službeni glasnik BiH br. 47/10) i Nomenklaturom industrijskih proizvoda Bosne i Hercegovine 2010 (Službeni glasnik BiH br. 12/11 i 41/11).

U saopćenjima i publikacijama u 2012. godini, koje se odnose na indekse cijena proizvođača industrijskih proizvoda, publikovani su samo indeksi za domaće tržište, a od januara 2013. godine se redovno mjesečno objavljuju: ukupan indeks cijena proizvođača industrijskih proizvoda, indeks za domaće tržište i indeks za inostrano/ inozemno tržište.

Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%. Najveći pad indeksa cijena je registrovan/registriran u oblasti Proizvodnje tekstila za 9,2%

Ukupan indeks cijena proizvođača industrijskih proizvoda u novembru/studenom 2013. godine u odnosu na isti mjesec prethodne godine niži je za 2,4%, a u odnosu na decembar/ prosinac 2012. godine niži je za 1,8%.



ANKETA O RADNOJ SNAZI

U 2013. godini stopa zaposlenosti je 30,3% (39,7% za muškarce i 21,3% za žene), što je više za 0,3 procentnih poena u odnosu na 2012. godinu kada je iznosila 30,0% (40,4% za muškarce i 20,3% za žene). Stopa zaposlenosti je najviša u starosnoj skupini 25 do 49 godina i iznosi 50,8%. Posmatrano prema djelatnostima najveći broj osoba zaposlen je u uslužnim djelatnostima, 54,5% od ukupnog broja zaposlenih.

Stopa anketne nezaposlenosti zabilježila je pad za 1,8 procentnih poena u odnosu na 2012. godinu. Stopa nezaposlenosti za muškarce opala je za 0,6 procentnih poena, a za žene za 3,8 procentnih poena. Kao i do sada stopa nezaposlenosti najviša je među mladim osobama starosti 15 do 24 godine i iznosi 58,9% (58,8% za muškarce i 59,1% za žene).

Stopa aktivnosti u 2013. godini je 41,8% (54,4% za muškarce i 29,8% za žene) što je niže za 0,6 procentnih poena u odnosu na prošlu godinu kada je bila 42,4% (55,9% za muškarce i 29,9% za žene). Stopa aktivnosti je najviša u starosnoj skupini 25 do 49 godina i iznosi 68,4%.



INVESTICIJE, PRESJEK 2011-2012

Federalni zavod za statistiku u ovom saopćenju objavljuje konačne podatke o investicijama za 2012. godinu.

Podaci su prikupljeni putem sljedećih istraživanja: - Godišnji izvještaj o investicijama u stalna sredstva (obrazac INV-01) za sve pravne osobe; - za oblast poljoprivrede individualnog sektora (poljoprivredna gazdinstva) podaci su prikupljeni putem općina, a bazirani/temeljeni su na procjenama općinskih komisija.

Nisu obuhvaćena investiciona ulaganja samostalnih poduzetnika i domaćinstava.

Podaci o investicijama prikazuju ukupne isplate za investicije po osnovnim oblicima finansiranja/financiranja, ostvarene investicije (nova i polovna/rabljena stalna sredstva) po tehničkoj strukturi i ostvarene investicije u nova stalna sredstva (nova i polovna/rabljena uvozna stalna sredstva) po tehničkoj strukturi.

Svi podaci su iskazani po područjima Klasifikacije djelatnosti BiH 2010, koja je usklađena sa evropskom klasifikacijom NACE Rev. 2, a pravne osobe su grupisane prema sjedištu i pretežnoj djelatnosti investitora (organizacioni princip).



U d r u ž e n j e
p o s l o d a v a c a

Mula Mustafe Bašeskije 12/3, 71 000 Sarajevo

Tel; +387 33 264 830

Fax; +387 33 264 831

E-mail; info@upfbih.ba

Web; www.upfbih.ba

<https://twitter.com/Poslodavci>